

Haenh Cibgouj Daih

赞 十 九 大

□ Cinz Hungzfungh / 覃宏峰

Mbwk: Raeuz gak cuz lwgminz Doxgiet gaenj Ndongj doengz rin caeuq diet Gaen dangj caux daihnieb Genbuh biet Dawz diet lienh baenz gim	男: 使国家富强 三十年 用力向前跑 咱各族人民 同条心 要继续奋斗	Sai: Siengjap daegsaek moq Vih guekcoj Hai diuz lohbaenzmiz Bi 2020 Cienz guek vunz Caez duetbinz bienq fouq	女: 咱要下决心 为人民 一定真脱贫 困难硬过石 大如天 也要攻下来
女: 咱各族人民 团结紧 硬同石和铁 跟党创大业 卷衣袖 把铁炼成金	Mbwk: Sien yungh geij bi daeuj Guh fuzbinz Caez byaij coh siujgangh Gwnz haw caeuq lajmbanj Moix it ranz Cancan miz noh gwn	男: 特色新思想 为祖国 开条富民路 全国人 2020年 都脱贫变富	Sai: Siujgangh ndaej saedyienh Engq roengzrengz Fwndou cibhaj bi Dangj minz doxgiet ndei Gaem seizgei Guh ndei yendaiva
Sai: Hawj guekgya fouqgiengz 30 nienz Yunghrengz bongh baenaj Raeuz gak cuz lwgminz Doengz aen sim Aeu laebdaeb haenqrengz	女: 先用几年来 搞扶贫 一起奔小康 城镇和乡下 每一家 餐餐有肉吃	Mbwk: Raeuz aeu roengz gietsim Vih lwgminz Itdingh duetbinz caen Hojnanz geng gvaq rin Hung gvaq mbwn Hix aeu gung roengzdaeuj	男: 小康得实现 更努力 奋斗十五年 党民团结好 抓时机 建好现代化

(caengz sat)

Vahbeij Bouxcuengh

壮 族 谚 语

□ Veiz Daz cingjleix fanhoiz / 韦达整理翻译
Liuz Yozginh soucomz / 刘学军收集

151. Bouboux naj bieq, byawz dwg bouxcaeg.
152. Dungx gwn dungx rox, hoz ndwnj hoz geiq.
153. Cib boux gai gauyieg, gouj boux gangj vah gyaj.
154. Canghdoz caeuq canghrih, cungj vih suenq gwn vunz.
155. Ndwen gungq sam baez saenz, gya gungz cungj vih fangz.
156. Heq gaej saenq mingh, bingh gaej saenq fangz.
157. Hwnq caeux doiq mbouj hwnj bouxgvan, hwnq gvaiz doiq mbouj hwnj dax-buz.
158. Cibngeih nyied gai liengzfaenj, loeg nyied daeuj gai loengzfeiz.
159. Boux hozsiengh ndeu rap raemx gwn, song boux hozsiengh ram raemx gwn, sam boux hozsiengh ok nyouh gwn.
160. Yamq ndeu nanz hwnj mbwn, fwngz ndeu nanz goemq mbwn.
161. Cax raeh mbouj lau naeng vaiz nyangq, feiz hoengh mbouj lau goenq faex ndip.
162. Cax raeh baengh gang ndei, max biz baengh nywj hwnz.
163. Cax mbouj muz hwnj myaex, raemx mbouj lae bienq haeu.
164. Miz dangz moed couh daeuj, miz haeux nou doq daengz.
165. Miz ndok yaeuh ndaej ma, miz ndwen ep ndaej bya.
166. Haeux yied dak yied hawq, vunz yied laux yied cing.
167. Cax raeh coih mbouj ndaej rauq.
168. Baengz ndei rox bienq vaj, dahsau rox bienq buz.
169. Meuz ndei mbouj luenh swenj, luenh swenj mbouj meuz ndei.
170. Guek fouq sim vunz cingq, guen cengh minz gag an.
171. Manaez duzduz gwn gaeq, saenaz aen' aen gwn naez.
172. Raemxdah yienznaeuz unq, ram ndaej hwnj aen ruz.
173. Cin haemh dangj mbouj ndaej va hwnj nye, raemx lae dangj mbouj ndaej bya ok dah.
174. Mou dog senj mok, lwg dog bak diu.
175. Youz rang moed gyaez, noh haeu nengznyaen comz.
176. Ruz roengz dan, nanz baenq gyaeuj.
177. Faex laemx roeg mbin, vunz dai cingz duenh.
178. Gofaex hung faen nga, beixnuengx lai faen' gya.
179. Faex laux nga lai, vunz laux bingh lai.
180. Faex hung rag raez, vunz laux raen gyae.
181. Ngwz raen yungzvuengz ndang gag unq, nou raen duzmeuz ndok rox byot.



Lwgnyez Myauzcuз boqvenz gig dwggyaез.

Siz Fungh ingj

182. Hanq mbouj gwn bya, ma mbouj gwn biek.
183. Vunz daiq soh mbouj cing, raemx daiq saw fouz bya.
184. Lajmbwn loh cien diuz, miz soh hix miz van.
185. Fwngz mbouj gaemh goep, mbouj lau byaj bag.
186. Faex cingq mbouj lau rumz bongj.
187. Gim caen mbouj lau feiz, caenleix mbouj lau buek.
188. Fouj raeh ndaej raemj faex, leix soh ndaej fug vunz.
189. Saeh ndei vunzlai haenh, saeh vaih vunzlai fok.
190. Naez gyaux naez bienq bwnh, vunz goq vunz yiemz naet.
191. Dangh raemx laeg ienq ga dinj, bakcax maeuz ienq heng geng.
192. Nyienh seng lwg baihgya, mbouj nyienh ciengx lwg ngawz.
193. Mbouj gwn bya, bak mbouj sing; mbouj guh caeg, sim mbouj vueng.
194. Duzgoep gwn duzgvej, byaraiz gwn lwg iq.
195. Bya roengz vaengz laeg, yiengz hwnj bya sang.
196. Gonh bya mbouj lau ndang dumz.
197. Guk cimh guk heih roeb, nyaen ra nyaen heih raen.
198. Ndaw naez boengz ciengj bya, mbouj lau daengx ndang uq.
199. Goep duz geq cij ndei.
200. Ndaw bak ma vaq ndok, ndaw bak meuz rumh bya.

(caengz sat)